



# Plata dla Ploania Antermëia Sant'Antone Abat

Ploan: **siur Klaus Sottsass**  
E.mail: [klsottsas@rolmail.net](mailto:klsottsas@rolmail.net)

Tel. 344 1554055

UNITÉ PASTORALA



VAL BADIA  
[www.unitepastorala.org](http://www.unitepastorala.org)

---

Ann B    31.03.2024 - 07.04.2024 - GRAN FESTA DE PASCA    n. 18

---

## Le Signur é veramënter ressorí

📖 St.Ap 10, 34a.37–43 | Col 3, 1–4 | 1 Cor 5, 6b–8 | Jan 20, 1–18

### Dal Vangele do San Jan:

<sup>1</sup>Le pröm dé dl'edema, é Maria da Màgdala jüda da doman adora, canch'al ê cíamò scür, fora dala fossay à odü che la pera ê tuta demez dal sepolcher. <sup>2</sup>Ara é saltada debota da Scimun Pire y dal discepul, a chël che Gejù ti orô bun, y ti à dit: An à tut le Signur fora de sepolcher, y i ne savun nia, olach'an l'à metü. <sup>3</sup>Dailò é Pire y l'ater discepul jüs ia y fora y é rovà fora dal sepolcher; <sup>4</sup>ai ê saltà trami deboriada, mo deache l'ater discepul ê plü asvelt co Pire, é chël rové por pröm dal sepolcher. <sup>5</sup>Al s'à cufé jö y ite y à odü les fascas de lin ia por tera, mo al n'é nia jü ite. <sup>6</sup>Tratan ê inçe rové adalersch Scimun Pire, che ti gnô do, y é jü ite tl sepolcher. Al à odü les fascas de lin ia por tera <sup>7</sup>y la peza dal assoius che ê stada söl ce de Gejù; ara n'ê nia pro les fascas de lin, mo dlungia, lobrida adöm te n post despartì. <sup>8</sup>Spo é inçe jü ite l'ater discepul, che ê rové por pröm dan le sepolcher; al à odü y à cherdü. <sup>9</sup>Ai ne capî nia cíamò la Scritöra, che al messâ pö ressorì dai morc...



### ANTIFONA

I sun ressorì y i sun tres pro tè. Alleluia.  
Tö as metü sön mè tüa man. Alleluia.  
Tan bela che chësta conescënza é por mè. Alleluia.

---

📖 Letöres dla Secunda domënia de Pasca - domënia bianca - domënia dla misericordia de Chël Bel Dì: - **St.Ap 4, 32–35 | 1 Jan 5, 1–6 | Jan 20, 19–31**

## Edema liturgica dai 31.03. ai 07.04.2024

2024	Ora	Mëssa
<b>GRAN FESTA DE PASCA 31.03.2024</b> <i>Cornelia, Guido, Beniamin</i>	<b>9:30</b> <b>10:00</b>	<b>Corona</b> <b>S.Mëssa solëna por la comunité</b> <b>Benedisciuin dl signé</b>  (I sorvidus se conforta do val ü o euro - gnide dô mëssa te sacrestia)
<b>LÖNESC - 01.04.2024</b> <i>LÖNESC DE PASCA / Irene, Hugo, Gilbert</i>		19.30 - S.M. a La Plí
<b>MERTESC - 02.04.2024</b> <i>dedolönesc dl'otava de Pasca / Francesch de Paola, Maria d'Egit</i>		<i>Degöna mëssa</i>
<b>MERCUI - 03.04.2024</b> <i>dedemesaledema dl'otava de Pasca / Richard, Elisabeth Koch</i>		---
<b>JÖBIA - 04.04.2024</b> <i>jöbia dl'otava de Pasca / Isidor, Konrad, Heinrich Richter</i>		7.30 - S.Mëssa a Rina
<b>VËNDRES - 05.04.2024</b> <i>vendres dl'otava de Pasca / Vinzenz Ferrer, Crescentia, Iuliana</i>	<b>7:30</b>	<b>Adoraziun dl pröm vëndres</b>
<b>SABEDA - 06.04.2024</b> <i>sabeda dl'otava de Pasca / Zelestin, Sisto, Wilhelm</i>		7.30 - S.Mëssa a La Pli 18.00 - S.Mëssa prefestiva a Al Plan
<b>Secunda domënia de Pasca - domënia blancia - domënia dla misericordia de Chël Bel Dî - 07.04.2024</b> <i>Jan Baptist de la Salle, Albert</i>	<b>9:30</b> <b>10:00</b>	<b>Corona</b> <b>S.Mëssa</b>  <i>Pater Franz</i>  aniv. + Florian Piazza aniv. ++ Carlo y Milio Rubatscher Fornella

**Mësses a San Martin:**

Dom 10.00   Lön 10.00   Dedol 8.00   Sab 18.30   Dom 10.00



## Informaziuns y terminns

L'UNITÉ PASTORALA VAL BADIA inviëia dotes y düc in lönesc, ai 8 de aurí 24, dales 19:30 tl gran salf dl Istitut Ladin a San Martin, a na **incuntada cun le secreter dl Vësko, Siur Michael Horrер**, che s'á spezialisé tl ciamp dla liturgia y baiará dl valor de nosta partezipaziun ala liturgia y ince dl'importanza de nüsc sorvisc.




Ai 14/04/2024 él i **ministranc da Rina** che organisëia en **torneo de batadú por i minis y schira jonila dla Val Badia**. Dales 08:15 sarál la Santa Mëssa ciantada por le pröm iade dai minis da Rina y do Mëssa jarán spo sö da campo a carté y sté en compagnia. Por tó pert vëgnel damané en contribut de 10€ (marëna y boanda) y da fá l'iscriziun pro Manuela al 340 325 5905, anter le vëndres da misdé. Düc i minis y schira jonila dala 3.elementara ala 3.mesana é dër bel inviá da tó pert!

La **Musiga da San Martin** präia indô dër bel de osc aiüt por sostegní süa ativité. Pro la detlaraziun dl acuta podëise nes destiné le 5 promile y nes daidé insciö da curí na pert dles spëises ch'i un ia por l'ann. Por os ne comporta chësta destinaziun degun cost implü; al é ma da dé dant nosc codesc fiscal y da sotescri: Musiga da San Martin de Tor – codesc fiscal 81009430216

La **Uniun Ladins Val Badia** inviëia a n **danmiste d'aurela cörta en Lönesc de Pasca**, al 1 d'aurí, tla plaza dl Istitut Ladin a San Martin cun musiga, bufet de liagnes blances y prezes, marcé di libri cun dotes les novités firmades ULVB y cun la gran cufada de üs da Pasca. Na bela ocasiun da sté n pü' adöm y magari da fá ince na cartada. Cornisc musicala: orghi da man y concert cun la ciantarina Ines Tavella. I metun man incër les 11.15 do la Gran Mëssa.

La **Uniun di Seniors da San Martin** inviëia al **Batadú tla Ciasa de Palsa** en dedemesaledema, ai 17 d'aurí, dales 14.00. Iscriziuns cina en dedolönesc, ai 16 d'aurí, por telefon 0474 524700. Le cost de partezipaziun é de 20 euro porom. Le batadú é davert a düc y al ves aspeta de bi pesc. Gnide tröc!

---

	07.04.2024 – Maximilian – Gabriel – Moritz - Paul
	07.04.2024 - Erwin Forer
	Les mius aodanzes por le compliagn ti fajunse a <b>Pedevilla Angelina (88)</b> . Döt le bun.



Dal dolor tla ligrëza, dal scür tl lominus, dal deorientamënt tla comprenjiun, insciö se trasformëia l'tru di apostui da Emaus canche Gejú vá impara.



**„La pêsc sides cun os“** – chësta é la pröma aodanza dl ressorí canche al incunta sü discepui. Y chësta é ince l'aodanza ch'i ti fajun a düc por Pasca.